



Publicaziuns dalla vischnaunca, jamna 42

Scaldaments mobils el liber

«Bulius da scaldar, radiaturs, radiaturs d'infratgie tschen e.a.v.»

Tenor art. 11, al. 2 dalla lescha d'energia cantunala en cumbinaziun cun igl art. 33 dall'ordinaziun d'energia cantunala ha il departament da construcziun, traffic e selvicultura relaschau suandonta disposiziun:

1. Per mintga apparat da scaldar mobil – gas, electricitad ed ieli – che vegn duvraus el liber per intents commercials e che ha ina prestaziun da scaldar da maximalmeins 14 kW sto vegnir cumpensau 1 tonna CO₂. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau 2 tonnas CO₂ e per apparats cun ina prestaziun da scaldar maximala da sur 28 kW sto vegnir cumpensau 3 tonnas CO₂ e.a.v. Silmeins 20% dall'immissiun CO₂ sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber.

2. Per mintga tonna che sto vegnir cumpensada sto vegnir taccau ina vignetta vid igl apparat da scaldar. Ina vignetta vala mintgamai 1 onn naven digl 1. Da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl apparat da scaldar mobil vegn mess en funcziun durant la perioda da scaldar respectiva.

3. La cumpensaziun dall'immissiun da CO₂ succeda entras il gestiunari ni entras la vischnaunca.

4. Sch'ils gestiunaris cumpenseschan sez l'immissiun da CO₂, vegn la vignetta concedida gratuita-ment entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO₂ (p.ex. myclimate). Per apparats da scaldar electrici sa l'obligaziun da cumpensar l'immissiun da CO₂ era vegnir ademplida, sch'ei vegn applicau – per mintga tonna CO₂ che sto vegnir cumpensada – cumprovadameins 4500 kWh d'electricitad ch'ei vegnida producida cun energias regenerablas.

5. Sch'ils gestiunaris cumpenseschan buca sez l'immissiun da CO₂, ston els cumprar tier la vischnaunca ina vignetta per mintga tonna CO₂ che sto vegnir cumpensada. Il prezi per vignetta importa frs. 60.–.

6. Las vischnauncas impundan igl entir recav dalla vendita da vignettas per cumpensar l'immissiun da CO₂. Igl uffeci d'energia e traffic metta a disposiziun in agid d'execuziun per las vischnauncas.

7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).

Las vignettas san vegnir retratgas naven digl 1. d'october 2014 tier l'administraziun communal.
Suprastonza communal Disentis/Mustér

Manteniment da vias e sendas

La vischnaunca da Mustér s'adressa als vischins e vischinas ed uniuns interessadas da segidar vid il manteniment da sendas e vias da cultivaziun (vias forestalas e vias funsilas). Sil territori dalla vischnaunca da Mustér sesanfla ina reit da sendas marcadas e signalisadas da ca. 160 km. La reit da vias da cultivaziun ei medemameins dètg liunga e pretenda la duida atenziun.

Nus lessen envidar tuttas e tuts interessai d'annunziar lur interess pil manteniment da sendas e vias funsilas. L'indemnisaziun vegn fixada en fuorma d'ina pauschala annuala a norma d'in sempel carnet da duers e d'in temps d'engaschi fixau. Lavurs supplementaras stuessen vegnir coordinadas cul me-naschi tecnic.



Interessents che fussen prompts da surprender la respon - sabladad pil manteniment d'ina senda ni d'ina via da cultivaziun ein supplicai d'annunziar lur interess entochen venderdis, ils 31 d'october 2014. Las annunzias han da succeder a scret. Per ulteriur sclariment stattan il menader digl uffeci da baghegiar ni il forester communal bugen a Vossa disposiziun.

Disentis/Mustér, ils 18 d'uost 2014
Suprastonza communal Disentis/Mustér

Santeri Sogn Gions Mustér – Sclamada da fossas

Per saver realisar la fossa comunabla en santeri da Sogn Gions vegnan las fossas sisum santeri, las quallas il temps da ruaus ei spiraus, sclamadas.

Tenor las prescripziuns digl art. 12 dalla lescha davart il satrar ed igl uorden santeri dalla vischnaunca da Mustér munta il temps da ruaus per fossas 20 onns. Las suandontas fossas en santeri Sogn Gions vegnan sligadas si:

- Beer Maria
- Lutz-Giger Maria Luisa
- Petschen-Andriuet Margreta e Gion
- Flepp-Manetsch Rosa
- Dermon-Werth Anton
- Hosang Giuseppa
- Ciura Marek
- Maissen-Berther Maria Lucia
- Giger-Sialm Damian
- Monn-Steger Monica
- Desax Leci

Nus supplichein ils vegnetsuenter resp. talas personas ch'ein responsablas per las fossas d'allontanar cruschs, monuments e fluras entochen ils 15 da november 2014 ni d'informar igl uffeci da baghegiar co igl ei da proceder. Las ramas dallas fossas vegnan demontadas entras la vischnaunca, medema-mein tuttas cruschs e monuments ch'ein buca vegni allontanai entochen ils 15 da november 2014.

Nus supplichein Vus da prender enconuschientscha ed engraziein gia ordavon per Vossa collaboraziun e Vossa capientscha.
Uffeci da baghegiar Disentis/Mustér

Uniun samaritana Mustér

Trenament BLS-AED

Teoria e trenament tenor las novas directivas.

Gliendisdis, ils 20 d'october 2014 en casa da scola Mustér, local samaritan.

1. *gruppa 19.00–20.00*
2. *gruppa 20.00–21.00*

Envidai ein tuts che han absolviu in cuors da BLS-AED. Era buca commembers dall'uniun ein cordialmein beinvegni, ein denton supplicai da s'annunziar tier: Yvonne Flepp, tel. 081 947 50 35, yvonne.flepp@kns.ch



Controlla da habitonts

Mortori

Filomena Maria Huonder-Jacomet, naschida ils 19 da fenadur 1928, morta ils 13 d'october 2014

Uniun da tscheiver Mustér

Salmiras

L'Uniun da tscheiver Mustér enquera personas che han tschaffen da far salmiras (Schnitzelbank) il venderdis tscheiver (13-2-2015) a Mustér. Gruppas ni personas singulas san s'annunziar sin info@tscheiver.ch ni tel. 079 690 97 42 tochen la fin d'october 2014. Sch'ei dat avunda interessents, porscha l'Uniun da tscheiver in cuors da far salmiras. Nus selegrein sin ina pluna annunzias.

Uniun da tscheiver Mustér

Schnitzelbänke

Der Fasnachtsverein von Disentis sucht Leute, die Lust haben, am Freitag vor der Fasnacht (13.2.2015) in Disentis Schnitzelbänke zu machen. Gruppen oder einzelne Personen (auch Deutsch sprechende) können sich bis Ende Oktober 2014 auf info@tscheiver.ch oder Tel. 079 690 97 42 melden. Wenns genügend Teilnehmer gibt, organisiert der Fasnachtsverein ein Schnitzelbankkurs. Wir freuen uns auf die Anmeldungen.

Uniun da tscheiver Mustér

Mummas cun affons pigns

Teater da casperets «La princessa striunada»

Mesjamna, ils 29 da october 2014 allas 15.00. Vus essas tuts cordialmein envidai en a nies teater da casperets che ha liug el Center d'agricultura Disentis/Mustér.

Silsuenter sorpresa pils affons e stiva da caffè.

Nus selegrein sin Vossa viseta
mummas cun affons pigns Mustér

Apparats d'udida

Gliendisdis, ils 27 d'october 2014, saveis Vus schar schubergiar e regular Vies apparat d'udida naven dallas 14.00–16.00 el Puntreis, Center da sanadad a Mustér, Via Cons 11.

L'uniun Pro Audito Cuera, cun signur Arthur Jacomet fa quei survetsch per tuts interessents gratuitamein.

Cordiala invitaziun
Puntreis, Center da sanadad